

佛根奇緣卷一

第一回 佛祖談經升寶座

碧空謫貶落塵凡

詩曰 如來妙體遍河沙。萬象森羅無障遮。會得圓通真法眼。始知三界卽吾家。蓋聞天地之靈氣，因五行而昭著。陰陽之變化，隨人事而顯現。大凡萬事萬物之理，其中變幻之處，皆繫於天地陰陽之氣。譬之天將雨而雲，礎先潤而雨，此其明證也。人類在地球上，分洲分國，分區落鄉村，至爲複雜。爲善者固多。作惡者亦不少。爭城掠地者有之，福國利民者有之。忠孝節義者有之，奸盜邪淫者有之。若夫浩劫之年，人人當傾心向善。毫釐之惡莫作。庶幾有所解救不至淪於危難莫挽之地。吾國居南瞻部洲，自盤古開闢，堯舜正統以來，卽有西天如來佛祖，闡明法教，稱爲第一無相法門。有詩云 三才相盜食其時。此是如來道德機。萬化旣安諸慮息。百骸俱理證無爲。弟子之皈依者，疊萬盈千。一日佛祖聚集諸聖賢衆，登殿宣說度生妙法，令各各明心見性。則見殿宇森嚴，萬聖億賢，恭敬環列。天龍圍繞，鳳凰來儀。天上人間，希有難遇。有詩云 華嶽山頭雄虎嘯。扶桑海底牝龍吟。如來自是西天佛。高坐蓮台講佛心。正講在不有中。有不無中無。不色中色。不空中空。

。非有爲有。非無爲無。非空爲空。非色爲色。色無定色。色卽是空。空無定空。空卽是色。知空不空。知色非色。名爲照了。始契妙旨。佛祖將慧眼環視左右道，吾談經數次，法會中何以不見碧空佛子。阿難進前答道，碧空每事遨遊，常往月娥山松風嶺等處，觀賞風景。且喜接近麋鹿虎豹鷹犬兔魚之類。常日出而出，日暮而歸。佛祖曰，這本無窮難畢述。禪心不靜其奈何。說罷忽見有一黃冠草履者，飄然至佛祖面前，恭禮三匝，道適才弟子遨遊在外，未得親聆表演大道，咎有難辭。萬望師尊大發慈悲，恕弟子之罪，以後不敢爲例。佛祖向碧空歎道，爾今凡心未靜，道根不穩，應降生凡間，爲顯宦一時，所居者，高軒華屋。所享者，玉食美衣。但紅塵擾攘，要歷盡千辛萬苦，艱險備嘗，正不如我佛家清淨無爲之福也。隨卽選就黃道吉日，遣爾降生凡間。所示之言牢記弗失。碧空佛子只得唯唯而退。正是值此仙凡雖有路。還好道義樂其天。碧空以師尊之言，不敢有違。但心裏想如不去罷。又想不去，一時恐違了師尊，淪入九幽地府，超昇就不容易。且至那時，道根已消磨殆盡，化爲烏有了。只得堅苦做去。不覺黃道轉瞬便來，碧空遂收拾行李，拜辭佛祖。轉身又辭二千諸佛五百羅漢。出了雷音寶刹，向前趕走途程。一時天色將晚，遙望山腰間，綠竹蒼松，黑幽幽的一個村頭，意欲上前借宿，叨個方便，明朝

早早起程。忽然狂風驟起，陰霾四布，有若飛沙走石一般。這是甚麼東西，是那山妖野怪，見有人從那山路間來，妄想搏食，以解饑虛。故駕起妖風，作怪一陣。那知碧空是有神通者，祥光透頂，慧眼射人。妖怪見之，不敢向前，遂四處星散，仍歸後山懸崖僻洞中去了。詩云歐冶親傳鑄劍方。莫邪金水配柔剛。鍊成便會知人意。萬里誅妖一電光。霎時狂風頓息，陰霾消散。碧空遂向鄉村求宿。但進村前，見一老嫗。就合掌道，萍僧有事下山，行至此間，天色已晚。求借宿一宵，明日告辭，乞與方便。老嫗見碧空相貌清奇，遂延納村內。是夜備下蔬菜涼漿，款待後，各自安寢。行將半夜，碧空忽聞朔風凜冽，似有人在外呼喚開門。碧空正在酣夢中，一時醒了，驚覺道。叫門者是誰。窗外嬌聲答道，奴是了凡仙女，曾在松風嶺採藥時，會晤佛子，怎麼忘了。今奉佛祖之命，來此要與佛子傳個消息，快開門，好敘話。碧空熟思，時當深夜，那有女子到此。想游松風嶺時，未曾見過女子。我想此人並非佛祖使來，定是昨日將夜，狂風大作，陰霾四布的妖怪來了。我若開門，豈不中他之計，那時被妖魔吞喫，怎好去降生凡世，豈不誤了師命。碧空疑慮多時，乃答道，我今安睡，睡了就不起來。你要與我談話，且在外等着，天明再說。了凡仙女，那裏由得他，遂不由分說化作清風，從窗孔穿入。只見此女，着了一件綠色

綵衣，青羅裙繫於腰外，梳了一個麻姑頭，兩鬢斜插垂絲海棠，粉黛嬌容，立在榻前，有令人一見銷魂之態。而碧空正色不動，畢竟與凡人不同『凡所有相。皆是虛妄。若見諸相非相。卽見如來』了凡仙女道，吾奉佛祖之命，特來拔汝仙根，以便降生人世。說罷，遂將懷中白扇取出，向碧空搗了三扇，碧空登時氣喘神迷。了凡仙女卽駕起雲頭，向雷音寺覆命而去。且說碧空天明醒來，始知昨夜不在村中住宿，乃睡在山脚下，亂石中。忙站起來，見四面翠微，聳入雲際，人煙俱無。碧空由是神魂不定，猶失了知覺的樣兒。以前在雷音寺經過之事，及隔宿之事，概已忘却，不能記得。遂呆呆的伏於崖下。只是深山無人跡。遍地盡荒涼。眼見碧空佛子，將餓死於山下了。次日天氣晴明，澗水滔滔，山鳥喧囂，猿猴跳躍。忽聞陣風吹過，夾帶人聲，瞥見前面山腰出了一隻猛獸，唳喇一聲，飛跑過去，如山崩地裂一般。不多時，來了一羣僧人，隨後追趕。有持鎗的，有持矛執刀的，有背弓箭的，一擁而來。遙見山岩之下，有黑的一團，伏於碎石之上，那僧人當是一隻猛獸，連忙舉槍就擊，但見火盤一亮，嘩的一聲，畢竟不知性命如何，且聽下回分解。

第二回 古寺有僧無約束 碧空得病便離塵

話說趕山僧人，舉槍向碧空一擊，那刻時候，幸爲石塊掩護。詞云 對境不須強滅